

J.B. ASTIER

FLOUR de MAR

Pouèsio Prouvençalo

Envoucacien

Avans que de canta lei pèis, la mar e l'oundo,
O Seignour pouderaus,
Mando à moun couer l'envanc, la sagesso prefoundo
Que fan leis arderous!

O Diéu! Diéu creatour de tant de meroviho,
Mèstre de l'univers,
Enfioco ma pensado e douno la nerviò
E l'alèn à mei vers!

De moun amo abramado, o trelusènto estello,
Alumino la nue!
Espóusso ta clarta sus ma vèrbio rebello
O bello aubo de fue!

Uiau, arrèsto-ti! Tu soulèu, fai-mi lume!
Tu, Vulcan, diéu roubin,
Alisco en rai vermèi, moun pantai sus l'enclume,
O grand fabre divin!

E tu douço amigueto, o ma muso poulido,
Ti souéni! Vène à ièu!
Qu'ai besoun de culi sus ta raubo flourido,
Lei perleto d'Abriéu!

Pouerge-mi de diamant, de gèmo à plen de faudo,
Vèngue de rimo d'or!
E pèr canta lei pèis de la mar d'esmerauda
Douno-mi l'estrabort!